

刻泰安州志敘

志者古史之遺也周禮小  
史外史掌邦國四方之志至  
於列國亦各存史苴取爾殫  
丸不乏圖籍秦罷侯置守  
史無專職秉筆紀載實

泰安州志序

在掌故亦惟守土者加意擴  
撫尊信而有徵故以術耳  
我郡名山形勝甲於天下畫  
地置郡延袤數有不

當古之侯國而文獻無徵  
方冊不傳良足惜已往郡  
侯蒞事茲土者不知閱幾  
何人其明知而無暇者什九  
明知而故諉者什一蓋簿書  
鞅掌手不停披目不及瞬  
冠蓋輪駟之塵望王之加織  
倚侯為東道主其民喜私  
耗而憚公賦歲常不及額  
什之二三往、殫竭伎倆不

足辨此昌暇今其神於採  
兔也而自諉者輒曰岱有  
史業為成書無庸更置  
喙我且遷延官成計時待

擢視郡如籩廬身奚敵

泰安州志序

精編纂之為故自古及

今作者寡、燾昔跼伏衡

以茅登高懷古攷汶陽之墟

覽明堂之址吊孫石之蹤

訪六逸之蹟緬惟千古感

慨係之竊欲考核故實  
勒成一家獨恨千秋不朽  
同志者稀且以制手肘公車  
之業此志無暇爾居無何  
今賢之戾上黨任公褰帷入  
郡百廢俱興輕徭賦清徭  
讞以培元氣也食不再筮  
衣不五澣循行不盛駟從  
以風樸也義倉設而儲於  
不涸塾師置而戶成可封

以富而教之也。三年有成化  
行俗美廼於公務之暇博  
訪古蹟旁訊宿儒疆域山  
川風土名物搜羅數百載之  
前而類析條成若干卷  
千秋事蹟蔚在目居然  
古史之遺矣。今而後憑軾  
結駟而遊者入其境披圖  
籍鏡千古曰美哉郁乎  
文獻之區也。剖符結綬而

至者入其境按故實西敷典  
章曰猗歟著作之林前事不  
忘後事之師也嗟夫時存  
古今名無磨滅百世而上  
百世而下非沉宦海不知幾  
更乃景爍不<sub>六</sub>毛惟我<sub>六</sub>族與  
此書俱永矣不佞分屬受  
塵忻際盛舉曰載筆紀其  
事且以詔來<sub>六</sub>禩云

萬曆癸卯菊月翰林院庶  
吉士治生宋燾頓首拜書



泰安州志序

泰安州志目錄

卷之一

輿地志

星野

沿革

附里社

山川

附泉源

疆域

城池

風俗

遺蹟

物產

災祥

卷之二

建置志

公署

壇壝

廟學

祠宇

舖舍

泰安州志 目錄

一

鎮店

卷之三

田賦志

戶口

田畝

附學田

賦役

附馬政

稅課

附香稅

卷之四

秩宦志

官僚

題名

宦績



卷之五

人物志

鄉賢

科第

歲貢

例貢

馳封

任子

孝義

貞烈

卷之六

藝文志

御製

文詩

泰安州志

目錄

泰安州志目錄終

泰安州志凡例

明知泰安州事上黨任弘烈編輯

一州志謹依

大明一統志式遵制也餘並參考群書或泰

山志岱史畧加損益

一州治沿革不常諸秩官人物止據足徵者

錄之

一公署舊跡雖廢必書

泰安州志 凡例

一祠宇凡勅創及在州治者錄之餘皆畧

泰山香火繁盛已見山志岱史者不錄

一戶口止就近年冊籍錄之 國初及歷年

無考姑闕以俟再叙

一物產止載有益民用者纖細之物不敢濫

書

一秩官有功德表著者簡入名宦

載

一 人物卓異者載之鄉賢不論顯晦必行重鄉評者書之其節孝未及

旌表與詳允者亦然

一 詩文載在岱史頗詳茲不備錄姑採其有關州志者畧載一二

一 釐為六門為綱每綱首有小叙以表作志之由綱內有目各條下間附臆說凡以資政理垂觀者而已

泰安州志 凡例

二

同知維揚崔瑞川

判官樞李許茂祺校閱

吏目密雲胡允孝

訓導朝城段廷選

單邑孫于藩

蓬萊徐湖編次

嶧博郡人張經濟

恩貢士呂應周

庠生陳大有

李偉


張毓秀

安烜同編


泰安州志凡例終  
泰安州志凡例

三


星野圖





秦安州境圖



泰山圖






五岳真形圖



北岳



東岳




中岳



西岳



南岳





泰安州志卷之一

明知泰安州事上黨任弘烈編輯



輿地志

叙曰先王體國經野莫大乎輿地周禮職方氏掌之泰安在岱下蓋以嶽重云帝王狩禪聖賢過化古稱望地中雖沿革靡常而民風物產班班足考是可無紀乎先星野謂其上應天象也天之降災祥也必見於

泰安州志 卷之一

一

地故併繫焉作輿地志

星野

魏太史令陳卓曰泰山入角六度晉天文志曰泰山入角十二度唐天文志曰降婁玄枵其神主於岱宗歲星位焉宋天文志曰泰山入角十二度馬端臨象緯考州郡纏次並同

按自保章氏失職久遠郡國廢置代遷譚星野者或以泰山主心房氏或主婁胃或主

虛危其言靡所適從然載籍雖博猶考信於徃古古天文角亢之分野主兗泰山固隸兗也主角何疑

沿革

州在周春秋時為魯地後屬齊為博邑秦為奉高博二縣屬齊郡漢為奉高博二縣屬泰山郡東漢晉因之南北朝劉宋因之元魏改博為博平與奉高仍屬泰山郡隋開皇六年改

泰安州志

卷之一

二

奉高曰岱山十六年改博平曰汶陽尋改曰博城大業仍以岱山屬魯郡唐武德五年於縣置東秦州貞觀元年州廢省梁父嬴肥城岱山四縣入博城乾封元年更名乾封總章元年又曰博城神龍元年復曰乾封屬兗州魯郡宋開寶五年移乾封於岱岳鎮即今治城南大中祥符元年改曰奉符屬襲慶金初為泰安軍大定二十三年陞為州領奉符萊

蕪新泰三縣元屬東平路正元五年析隸省

部領縣四視全增長清

皇清明洪武元年省奉符入州割長清與州並隸

濟南府

編里九十有七東隅保西隅保北隅保

上附郭禹村保萬峪保沈村保放城保申村已

保良甫保房村保柳里保薛庄保己上在州

東南先賢鄉汶河保東蘇保南送保樂任保

粥店保西遙保西牛保武庄保侯村保己上

在州西南汶河鄉梁庄保白塔保石來保南

望保羊舍保西望保古城保山羊保力里保

已上在州東南紫源鄉大吳保葛縣保山口

保北仇保東于保南留保西諸保北望保顏

泰安州志 卷之一 三

張保己上在州南云亭鄉清泉保延東保下

村保趙庄保謝村保南村保新泉保牛山保

栗林保己上在州東石泉鄉溥于保官庄保

準上保言謝保香城保張侯保東向保西于

保上望保己上在州西南安牛鄉東史保下

張保柳林保崔村保西徐保磚舍保汶河保

王史保過村保己上在州西南運河鄉田村保

保黃前保故縣保北送保苗庄保柴城保祝

陽保宮里保西界保己上在州東南堯山鄉

杜村保濟河保濁保新村保南仇保雙村

保汶西保魚池保孝門保己上在州西南

城鄉靜封保峭峪保山陰保張留保新店保

石碑保曲溝保西張保田

庄保己上在州東石碑鄉

按有人有土振古如茲第分隸時殊名稱亦

異或成郡軍或附列邑盛衰沿革豈一朝  
夕故哉君子不易民而化是在善治者加

意焉

山川 泉源附

泰山 有專志及岱史詳載諸形勝茲不復錄

鳳凰山 在岳頂西南 象山 在鳳凰山下 石閣山 在

南漢武帝 介石山 在州南五十里 亭亭山 在

南五十里 黃梁父山 在秦始皇禪於此云云

泰安州志 卷之一 四

在梁父山之東古稱傲來山 在岳頂西南竹

七十一君多禪於此 傲來山 在岳頂西南竹

矗矗至御帳 青山 在岳東南麓 黃山 在岳頂

里以土色名與青 東神霄山 在岳頂西神霄

山皆岳之翼上也 前多巨石故名 孤山 在岳

十里 崢嶸 玉女山 在岳頂東北許有石馬

山在北岳頂西 鵬窩山 在岳頂西 禳山

如駝負于狀 鶴山 在岳頂北 巢此故名 亭禪

屬社首在岳南三里 聯三尖山 在岳頂徂

徠山 在岳南三十里 岳之紫山也 上有紫源池 有玲瓏山 獨秀峯 天平東 西二塞 其

下曰白河灣 曰竹溪 唐李太白孔巢父韓準裴政陶沔張叔明隱此 號曰竹溪 六逸 唐石介

因故址築室 著書 八寶山 在岳頂 東百里 屬

蠟燭山 在玉女山北 其

汶河 流出萊蕪縣 原山西南 經徠山 會泮水 南

達於漆河 源出岳頂 西南 諸峪 匯為西溪 由

水以達 梳洗河 源出黃兜嶺 諸谷之水 匯為

於漕 梳洗河 中溪 過五母池 上有王母

州東 會泮水 入汶河 泮河 源出岳頂 西桃花

泰安州志 卷之一 五

周家灣泉 在州東南 五里 鐵佛堂泉 在州東 二里 皂泥

溝泉 在州東 五里 鯉魚溝泉 在州東 五里 范家灣泉

在州東 五里 雲潭泉 在州東 四里 鳳凰泉 在州東 四十里 北

滾泉 在州東 五里 順河泉 在州東 六里 板橋灣泉 在州東 六里

羊舍泉 在州東南 一里 會泉 在順河 井泉 在

東西二柳泉 在州東南 一里 水波泉 在州東南 一里

里 韓家庄泉 在州東南一里 石縫泉 在州東南一百二十里

里 濁河泉 在州東南一里 謝過泉 在州東北張

家泉 在州南八里 木頭溝泉 在州南二十五里 龍灣泉 在州南二

里 馬兒溝泉 在州南三十里 梁子溝泉 在州南二十里 東南風

雨泉 在州東南三十里 吳山溝泉 在州南四里 滄浪溝

泉 在州南五十里 梁家庄泉 在州南三十里 上泉 在州南五十里 靈

應泉 在州南五十里 臭泉 在州南五十里 水磨泉 在州南六十

里 顏謝泉 在州南六十里 龍堂泉 在州南七十里 狗跑泉 在

秦安州志 卷之一 六

西南六十里 報恩泉 在州西南六十里 隘灣泉 在州西南六十

噴金泉 在州西南六十里 馬黃溝泉 在州西南九十里 龍王

泉 在州南一百二十里 坤温泉 在州西南一百二十里 興龍泉 在

南二十里 廣生泉 在州西北四里

按重華咨牧肇州封山濬川盖曰地有名山

大川則國為之重乃若名山莫重於岳莫

尊於岱故自有天地以來形勝無如泰山

也者而州之川汶水盖其大焉若徂徠若

雲亭若泮漆梳洗諸山水咸羅列滌泗其  
內果以山川丘陵為地險也乎茲以足擅  
稱云易曰王公設險以守其國則豈徒以  
壯觀瞻恣遊擊爾已秦之山水以勝名者  
最多收伯嘉興戴經  
標其尤著者八曰秦嶽朝雲曰徂徠夕照  
曰汶河古渡曰明堂故址曰龜陰秋稼曰  
龍洞甘霖曰秦松挺秀曰漢栢凌寒有詩見藝文志

疆域

州境北越泰山之陰六十里曰仙臺嶺為厯城  
泰安州志 卷之一 七

縣界南六十里抵汶河為寧陽泗水二縣界  
東越萊蕪百四十餘里為蒙陰縣界由萊蕪  
東北七十里抵杓山為淄川縣界西北七十  
里抵魚池為肥城縣界東南越新泰二百餘  
里為泗費蒙陰三縣界西南百三十里抵張  
城為東平州界西北四十里抵界首為長清  
縣界西南九十里抵罡城壩為寧陽縣界古  
之博平高平鉅平南城梁父蛇牟汶陽羸柴

今皆為治內地

按周畫郊圻慎固封守秦漢而降割裂土境

州邑建廢凡幾遂致疆域不辨一旦有警

莫可誰何秦安雄據東夏屏障

皇畿若拱辰然而漕源國計亦維茲攸賴可不

慎與

城池

州舊為土城築於金大定二年久多崩圯如丘

秦安州志 卷之一

八

阜可徑池堙可塗嘉靖癸未臺省鑒正德辛

未之患議設險守國乃檄濟南通判王雲興

版鋪為石城七里六十步堞高而池深雄據

岳麓襟帶泮漆門四南曰乾封北曰登封東

曰靜封西曰望封

郡人馬經有記刻石登封門裏

近連年靈

雨城多崩壞嘉靖三十二年沂州兵備任希

祖檄知州鄭聚東重修頗為完固

按重門之設以待暴客寔惟堅完是賴而啟



閉防衛是在守者一不得人扁鑰不嚴鈴  
柝不備即有跳梁者越闕津而不知問矣  
繕修以時典守以能賢大夫事也  
風俗

馬端臨輿地圖曰人情樸厚俗有儒學李謙文  
廟記曰去洙泗百餘里人好儒術張從仁文  
廟記曰風俗淳朴而尚檢素李錦撰州志曰  
國朝風化大行習俗丕變士尚詩書民執常業  
泰安州志 卷之一  
九  
視昔益加美焉

按虞書曰四方風動謂如風之所鼓靡物不  
從神之也而俗則以習成焉秦郡介齊魯  
之間所賴先王禮義之化洙泗之教猶在  
人心而世遠化湮風移俗易浸淫於貿易  
之場競爭於錐刀之末民且不自知其習  
於浮而風斯下也以予耳目所聞覩學士  
大夫循循篤行庶幾古風者蓋什之二三

而庶民之家莫不鶩紛華美冠履以相矜  
詡且也勁悍負氣日事爭訐甚者以屑越  
細故釀成大禍而不知悔吁姬公師尚父  
之遺化謂何此在司教化者神其機權挽  
今日之民而三代之也與  
遺蹟

周明堂在嶽之東北山谷聯屬四十里遺址今  
尚存旁有谷山寺其形勝具党學士寺記

泰安州志

卷之一

十

漢明堂在嶽北東南去州治十里武帝元封間

用齊人公玉帶所軼圖創焉其上有元人題  
刻明堂故基四字其地舒衍突起一石岡顛  
平而高四丈許週三晦許後枕嶽麓支山如  
宸障而左右如衛從然澗水滌迴南會於汶  
遙望徂徠諸山如列屏案當時朝會規模宛  
然在目

長城鉅防在泰山西緣河千餘里至瑯琊臺入

海蘇代說燕曰齊有長城鉅防足以為基齊  
記云齊宣王乘山嶺之上築長城東至海西  
至濟州千餘里以備楚括地志云長城西北  
起濟州平陰縣緣河歷泰山北岡上經濟州  
淄川即西南兗州博城縣北東至密州瑯琊  
臺入海竹書紀年山云梁惠王二十年齊閔  
王築防以為長城今泰山西北有嶺鋪俱名  
長城遺址尚存

泰安州志 卷之一

土

鳳凰臺在登封門外漢宣帝時鳳凰集泰山故  
名

望仙臺在州治東北三十里漢武帝築

舞鶴臺唐高宗築按唐書高宗築封祀壇於泰

山南四里如圓丘又詔立登封降禪朝覲之  
碑名封祀壇曰舞鶴臺登封壇曰萬歲臺降  
禪壇曰景雲臺今皆頽莽而筆亦湮沒唯張  
說封禪頌在唐文粹及州志猶可考見

社首壇在岳南二里許曰社首山聯屬蒿里前  
代多禪此唯宋真宗命王欽若撰壇頌碑石  
今尚存

封祀壇宋真宗築在岳南五里許遺址王旦頌  
碑今存

朝覲壇在州南宋真宗東封群臣覲地州之風  
雲雷雨壇因其故址陳堯叟撰碑頌今在壇  
下與天貺殿碑及天齊仁聖帝碑皆待詔尹

泰安州志 卷之一  
主  
熙古書書法類聖教序

陰字碑在州之乾封門外迤東三百餘武是為  
宋真宗答謝天書述二聖功德序銘曰陰字  
以字鐫北面從俗稱也或曰金字謂當時以  
金塗飭或曰裡祀以精意享祀言也皆聲相  
近而義亦通嘗聞真宗東封駐蹕會真宮故  
碑作屏鐫北面當宮南百餘武俗稱陰字為  
是宮今在城內遭火而碑限於外故人罕知

其鐫意云萬曆癸酉歲按臺吳從憲築秦陰亭於碑北

博城在岳東北距州治三十里漢之奉高隋之汶陽唐之乾封同此今名曰舊縣

羸城在岳東址距州治東南五十里漢置縣屬泰山郡唐屬東秦州後省入博城

謝過城在岳東南趾漢明堂側齊魯會夾谷後歸謝之地故名岳東南地曰谷里谷夾谷也秦安州志 卷之一 圭

龜陰田即齊人歸魯以謝過者今名龜陰埠

汶陽田在岳南汶河之上魯成公二年春秋書取汶陽八年書晉侯使韓穿來言汶陽之田歸之於齊

菟藁在岳之陰左傳隱公十一年公語公子翬營菟藁終老即此

紅亭在泰安州境春秋昭公八年大蒐於紅即此

白驪塚在封禪壇北一里唐玄宗登封泰山益  
州進白驪甚偉異上親乘之便於登降禮畢  
方下山均休息有司言驪無疾而殪上嘆異  
之謚曰白驪將軍命有司具檣積壘石為塚  
顏淵從孔子上泰山孔子望吳閭門外有繫白  
馬引顏淵以指之曰若見吳閭門乎顏淵曰  
見之有若繫練之狀孔子撫其目而止之因  
與俱下淵髮白齒落遂以病死

見錦綉萬花  
谷韓詩外傳

泰安州志 卷之一 古

畧 同 今州城西南有高坡曰顏子坡

柳下惠墓在州治東南百里至今村人尚多展

姓者名曰柳里村 萬曆三十一年知州  
任弘烈撰文祀之

羊祜城即晉羊祜所封之地距州治東南九十  
里

按秦嶽亘峙勝蹟昭垂帝王之制作聖哲之  
人文巋然蔚然何可縷指迺其大者如明  
堂遺址穆乎虞周之盛治可想見焉漢武

所創侈然有高世主之心乎履謝過汝陽  
之墟覽紅亭之跡則文事武備猶可攷鏡  
已過顏子坡而吊其好學以死撫下柳墓  
而思其和且願善學也流風餘韻足為千  
古慕述而世更物變感慨係之若神仙釋  
佛居山悟化者載岱之史茲可弗志  
物產

木有秦松漢栢唐槐皆紀于岳于祠與徂徠新  
泰安州志 卷之一 五

甫並傳矣它若椿梧梓檜楸榭桑柘榕櫟榆  
柳楊棟雖皆有之顧登封之地無喬林豐樾  
而取裁於工師者或寡焉岳多石少土固難  
於滋植然而人見其濯濯也是豈山之性哉  
果有梨栗棗柿梅杏桃李柰石榴銀杏櫻桃林  
禽核桃蒲萄羊棗文冠果無花果諸品多植  
於岳趾園林其在岳者多野生曰山榴稱桃  
野棠

花有牡丹芍藥紫薇凌霄夜合辛夷長春麗春  
梳子玉簪萱葵臘梅薔薇鷄冠鶯粟山丹月  
季蘭蕙茨菰石竹菊百餘種蔓生於樹曰藤  
花可蔬鹿芻花別名曰黃花菜珍美稱於天  
下而土人賤之不以供客

藥以泰山著圖經者三十有九種曰青芝赤箭  
景天遠志天門冬千歲藁徐長卿太乙餘糧  
石門芮石鍾乳石硫黃白石脂赤石脂白石

泰安州志

卷之一

六

英紫石英玄石滋石滑石雲母石絡石草龍  
骨伏翼蛭蚰松肪栢實茯苓丹參茵陳茵芋  
女獃狼毒連翹藜蘆澤漆瞿麥香附子玄胡  
索惟天麻獨異於它產但鮮而難致有名在  
圖經而不以泰山言者四十有九種曰蒼朮  
黃精黃連黃芩玄參蝦參苦參沙參菖蒲知  
母益母貫衆山查山藥地黃地榆地丁南星  
枸杞木蘭防風荆芥芫花花椒百部百合草



烏柴胡牽牛桔梗藁本芍藥漏蘆鬼箭麥門  
冬歲靈仙白蘚皮青木香鬼見愁車前子硝  
石長石青蒙石金星石銀星石金銀花馬兜  
鈴王不留行諸品惟沙參獨良石花可已心  
疾傳金瘡撲患湘之可茶狀如蒙山而氣味  
亦稍相類此則圖經所未載者

穀有黍稷稻麥菽粟芝蔴胡蔴巨勝黍黃白黑  
三種稷黃黑二種稻紅白二種麥有麩麩蕎  
秦安州志 卷之一 七  
三種菽青黃赤綠黑刀扁諸種粟百餘種曰  
九里香花裏黃其最佳者

貨有絲有木綿紬絹葛可為絺有麻檉密蠟  
茶薄產巖谷間山僧間有之而城市則無也山  
人採青桐芽曰女兒茶泉崖陰趾茁如波菘  
者曰仙人茶皆清香異南茗黃芩芽昔為茶  
亦佳松苔尤妙

菽蒔於畦圃者弗志其野生曰薺茶藜藿蘧芹

枸杞椿棟榕藥芽俱可蒞香美並異八麻樹  
芽和糜粥亦佳曰枸骨芽曰莠春土人甘之  
五金出萊蕪之黃山亦有黃白二土石焦二炭  
土可墾可圻炭石可薪而焦良於冶頗為民  
利故又曰八寶山是為岳東支麓其西麓曰  
莸花峪山人昔嘗採白金礦山海經云其下  
多金是也又云其上多玉今不可見土人云  
岳巔間嘗一炫光彩意者其玉韞之輝與

泰安州志 卷之一

六

鳥多野鴿巢岩穴及岳祠攘題多鳩雀有鸞鵠  
鷹鷗鴉鵲惟岳祠無鴉異哉有曰巧婦爾雅  
釋莸蟲是也曰山僧聲如念佛曰紅娘子色  
如胭脂曰拖紅練拖白練皆以尾色名有雉  
鷄山鷄野鷄鳩鵲黃鸝鷓鴣翡翠布穀畫眉  
有翠羽褐衣如畫眉者汶有鴛鴦鷓鴣鷓鴣

野鷺

獸有獐麇獾兔兔有兩其足者不能走每跳一

二丈許曰跳兔有黃鼠蒼狐白狼在深山窮  
谷而登封之地則無也山海經曰有獸焉其  
狀如豚而有珠名曰狢狢今未之見豈山林  
古今之變而氣化有不同與  
魚有班文四五寸許四五月生岳北溪澗中過  
此則無矣

冰疑岳頂北十里許陰壑中名曰天牢天日不  
過之地四時有之不假伐藏

泰安州志

卷之一

九

按禹貢曰岱畎絲枲鉛松怪石神農經載泰  
山諸藥石而山海經曰其上多玉其下多  
金多水玉道書福地記曰泰山多芝草玉  
石是皆物產之聞於古昔者也然而昔以  
富饒甲天下今億甚矣此何以故夫名山  
之興寶藏詎分今古第古者取之有時用  
之有節故物常富饒輓近世侈靡成風費  
出不經即罄山海之珍且不能繼安望富

饒如古昔哉况石山剛風危巖深澗寧復  
有良玉仙芝惟是藥石諸靈品絕異他產  
可以弘濟壽域寶不啻金玉爾爾  
災祥

漢昭帝元鳳三年春正月泰山大石起立高丈  
五尺有白鳥數千集其旁僵柳復起生出食  
柳葉成紋

成帝河平元年泰山桑谷有鷲焚其巢郡人

泰安州志 卷之一

二十

孫通等聞山中群鳥鷲鵲聲往視見巢難盡  
墮地中有三截燬燒死樹大四圍巢去地五  
丈五尺

光武皇帝建武元年泰山雲氣成宮闕

章帝元和二年二月辛未幸泰山黃鵠三十  
經祠壇上東北過於齋宮翱翔升降

晉武帝泰始四年七月泰山崩墜三里

元帝大康二年六月泰山大水蕩析三百餘

家溺死六千餘人

咸帝咸康八年趙石虎建武八年有石然于  
泰山八日而滅

宋孝武帝大明元年七月白雀見泰山

東魏宣武帝景明三年八月辛巳泰山崩湧水  
十七處

武定六年四月泰山甘露降

後齊天統初泰山封禪壇玉璧自出

泰安州志 卷之一

三

隋文帝開皇十四年將祀泰山令使者致神像  
於祠未至數里野火歛起燒像

唐高宗永徽二年七月泰山大水 十三年十

一月戊子雄雉馴飛泰山齋宮內

宋真宗大中祥符元年五月泰山醴泉出丁丑  
王母池水變紅紫色按史乾封縣民王用田  
中有童兒楛土得青錢數十爭取之錢墜石  
罅因發石湧泉二十四眼味極甘美又枯石

河有湧泉二十五眼一眼出層阜之上經宿  
勢浸盛引數派雙魚躍其中有果實流出似  
李差小味甚甘制置使王欽若貯水以獻六  
月庚戌賜百官詔建亭賜額曰靈液六月王  
欽若至乾封上言泰山醴泉出天書見有靈  
芝三萬八千二百五十本夫醴泉芝草固理  
之所有乃若天書  
之降吾誰  
欺欺天乎十二月泰山玉女白龍王母池  
醴泉出丁酉賜輔臣新醴泉 六年十月泰

泰安州志 卷之一 三

山興工有鳥狀鳥嘴趾皆赤役夫稍憇即飛  
鳴作起之聲衆工見其來畚鍤爭進將晡而  
去日以為常目為作工鳥

仁宗嘉祐三年七月泰山上瑞麥圖凡五本  
元世宗至元九年九月泰山淫雨河水溢圯田

廬害稼

成宗元貞元年六月泰山大水  
武宗至大元年九月泰山大水

仁宗延祐元年三月泰山霜雪三日  
文宗天曆元年泰山大水

順帝元統元年泰山淫雨河水溢大饑  
正六年春二月泰山奉符縣大饑地震七日  
他縣亦然

皇明成化二十一年春二月三月泰山屢震遣  
官祭之

正德十六年春三月岱廟東廊火

泰安州志

卷之一

三

嘉靖八年泰山蝗九年十年如之 十六年

六月泰山水漂溺數百人 十一月州城火

延燒數十家 二十一年泰山蝗不為災

二十二年泰山夏再稔麥粟有一本三穗至

五穗者知州馬逢伯獻於朝 二十九年十

二月岱廟火正殿門廊俱焚古樹碑刻亦多

毀者 三十年六月泰山大水御帳衝壞人

多溺死 三十二年泰山大饑民相劫奪行

旅不通 三十三年春泰山大饑餓莩枕藉  
貧民多取其肉食之

萬曆十四年十月十八日泰山碧霞宮四方  
來禮神者互相踐蹋死六十一人巡撫都御  
史李戴委濟南府通判桑東陽往經理收葬  
十六十七年州屢饑斗米三錢貧民取餓莩  
肉食之群盜蜂起知州劉從仁多方拯救民  
賴以生鄉官安烈出粟千石助賑守道汪公

泰安州志

卷之一

三

列其名於旌善坊 三十一年六月州大水  
發自泰山龍口大石崩裂御帳衝毀大夫松  
仆盤道皆亂石阻塞不可復識上下殊艱之  
居民填溝壑者以千計廬舍傾圮倍馬靈畦  
潦地鮮獲有秋知州任弘烈發粟賑之瘞其  
死者乃為文躬致祭於水濱

按天人相與之際可畏已古謂和氣致祥乖  
氣致異信也然有靈瑞示寵或階之禍沴



氛兆譴卒為禎符此果天意乃人為也哉  
善乎箕子之演疇也曰王者惟歲鄉士惟  
月師尹惟日然則允釐變理豈特哲王蓋  
相所當加之意耶

